



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 54. Valencena a Norcarmio Barone capta.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

nervos in ea civitate omnes plane fuc- Sæcul. XVI,
A.C. 1567.
cidit, quosdam vero ex spuris Mini-
stris, ac nonnullos cives, qui pertina-
cius hæresi suæ inhærebant, extremo
supplicio affici jussit. His peractis Nor-
carmius Gubernatricis jussu Tornaco
præfuit, pro Montinio in Hispania de-
gente, Joannem vero Crojum Reusii
Comitem, atque octo militum signa in
urbe reliquit, præter quadringentos, &
quingenta arcis præsidiarios: postea
Norcarmius ad Valencenæ obsidionem
confestim rediit oppugnationem aggressus,
quam quidem Philippus II. His-
paniæ Rex minus ratam habere vide-
batur, aucta vero obsessorum pertina-
cia sententiam suam mutare cogebatur.

§. LIV.

*Valencena a Norcarmio Barone
capta.*

Gubernatrix ut pristinæ Regis volun- Strad. 1. 6.
tati obtemperaret, nil intentatum,
inausumque reliquit, quo rebelles leni-
tatis via ad officium revocaret: qua-
propter visum ei est ad illos mittere e
Proceribus duos, Lamoralium Comi-
tem Egmontium, & Philippum Crojum
Areschoti ducem: si forte, qua erant
authoritate, ad saniora consilia retrahe-
re illos possent: porro hi quidem evo-
catis ad colloquium Valencenatum Le-
gatis,

Sæcul. XVI.
A.C. 1567.

gatis, ut se dederent, ac præfidiarios milites in urbem suam reciperent, hortabantur, atque eos his verbis alloquebantur: „Frustra expectatis exteri militis subsidium, hinc nil vobis reliquum, „nisi quod rebellionis vestræ culpam „pœnitentia expietis, atque Regis indignationem, necnon patriæ vestræ „exitium, dum adhuc licet, obsequio, „ac submissione redimatis. „ Verum spretis cunctis hisce rationibus ambo Proceres rebellium contumaciam vehementer indignati recesserunt, dato negotio, ut Norcarnius obsidionem urgeret, urbemque sine ulla cunctatione toto impetu aggrediretur: ergo oppugnationi initium datur, tanto obsidentium ardore, atque armorum successu, ut nondum percurso quatuor horarum spatio validiora propugnacula penitus essent everfa: unde territi eo principio cives, duos Tubicines miserunt, ac Norcarnium rogaverunt, ne gravaretur audire fide publica Valencenæ Legatos de tradenda urbe mox acturos. Advenerant circa vesperam hi Deputati numero viginti, sed eos irridebat Norcarnius, continuavitque nocte tota oppugnationem, nullo temporis spatio relicto ad muros reficiendos: mox vero prima diei luce alii advenerant Deputati, qui clementiam exorantes, sese

Gu

Gubernatricis arbitrio dedere. Tenuit Sæcul. XVI.
A. C. 1567
 ea oppugnatio triginta sex horas perpetua contentione, feruntque ter mil-
 lies explosas murales machinas, mæ-
 nium, quam hominum majori strage.

§. LV.

*Populus armis exutus, & seditionis
 Authores capti.*

Norcarmius eadem die, quæ Palma-
 rum Dominica, ac Mensis Martii Thuan. &
Strad. l. c.
 vigesima quarta erat, urbem cum tre-
 decim peditum signis ingressus obvi-
 os per vias habuit mulierum, ac pue-
 rorum cœtus, arborum ramos manu
 præferentium, ac simul flebili voce fi-
 dem, misericordiamque Victoris implo-
 rantium, quibus benigne submotis, si-
 ne cujusquam cæde, aut direptione do-
 mus, quamvis civium opulencia invi-
 taret, & contumacia mereretur, in cu-
 riam ascendit, ubi primum, prout in
 mandatis habebat, cives exarmavit,
 necnon tormenta bellica, ac reliquum
 belli apparatus civitati ademittit. Dein
 instituta quæstione adversus rebellionis
 principes, sectarumque hæreticarum
 buccinatores, ex illis sex, & triginta in
 carcerem protinus conjecti fuere: Mi-
 nistrorum tamen nemo capi tum potuit,
 eo quod una omnes clam urbe egressi es-
 sent, quamvis portæ aut statim clausæ.
Hist. Eccles. Tom. XLVIII. H aut